

全唐詩目錄 第一函

第三冊

郊廟樂章 七卷

御製全唐詩

郊廟歌辭

祀圜丘樂章

唐書樂志曰貞觀二年祖孝孫脩定雅樂取禮記大樂與天地同和故製十二和之樂祭天神奏豫和

之樂祭地祇奏順和祭宗廟奏永和登歌奠玉帛奏肅和皇帝行及臨軒奏太和王公出入送文舞出迎武舞入奏舒和皇帝食舉及飲酒奏休和皇帝受朝奏正和皇太子軒懸出入奏承和正至皇帝禮會登歌奏昭和郊廟組入奏雍和酌獻飲福酒奏壽和六年冬至祀昊天於圜丘樂章褚亮虞世南魏徵等作大曆十四年改豫和爲元和以避諱也按唐初作十二和以法天數其後增造非一頗無法度皆隨時制名云

豫和

上靈睠命膺會昌盛德殷薦叶辰良景福降兮聖德遠

玄化穆兮天厯長

太和

穆穆我后道應千齡登三處大得一居貞禮惟崇德樂

以和聲百神仰止天下文明

肅和

闔陽播氣甄曜垂明有赫圉宰深仁曲成日麗蒼壁煙
開紫營聿遵乾亨式降鴻禎

雍和

欽惟大帝戴仰皇穹始命田燭爰啓郊宮雲門駭聽雷
鼓鳴空神其介祀景祚斯融

壽和

八音斯奏三獻畢陳寶祚惟永暉光日新

舒和

疊壁凝影皇壇路編珠流彩帝郊前已奏黃鍾歌大呂

還符寶歷祚昌年

凱安

新唐書禮樂志曰貞觀初舞隋文舞曰治康武舞曰凱安郊廟朝會同用之舞者各六十四人又舞左翳右翟著委貌冠

黑素絳領廣褱白袴革帶烏皮履武舞左千右戚服平冕餘同文舞朝會則武弁平巾幘黃褱金甲豹文袴烏皮鞞執干戚餘同郊廟凡初獻作文舞亞獻終獻作武舞太廟降神以文舞後改治康舞曰化康避高祖諱也舊書樂志曰凱安舞貞觀中造凡有六變一變象龍與參野二變象越靖閩中三變象東夷賓服四變象江淮寧謐五變象獫狁舊服六變復位以崇象兵還振旅亦如周之大武六成樂止按貞觀禮享郊廟日文舞奏豫和順和永和等樂麟德二年十月文舞改用功成慶善樂武舞改用神功破陣樂并改器服後以慶善樂不可降神破陣樂不入雅樂復用治康凱安如故

昔在炎運終中華亂無象艷郊赤鳥見印山黑雲上大
賚下周車禁暴開殷網幽明同叶贊鼎祚齊天壤

豫和

歌奏畢兮禮獻終六龍馭兮神將昇明德感兮非黍稷

降福簡兮祚休徵

郊天舊樂章

唐書樂志曰太樂舊有郊天送神辭一章不詳所起

豫和

蘋蘩一作鑄禮著黍稷誠微音盈鳳管彩駐龍旂洪歆式就
介福攸歸送樂有闕靈馭遄飛

武后大享昊天樂章

十二首並載本集

大陰凝至化真耀蘊軒儀德邁娥臺倣仁高如幄披捫
天遂啟極夢日乃昇曦

瞻紫極望玄窮翹至懇罄深衷聽雖遠誠必通垂厚澤

降雲宮

乾儀混成冲邃天道下濟高明闔陽晨披紫闕太一曉

降黃庭圓壇敢由昭報方璧冀展虔情丹襟式敷衷懇
玄鑒庶察微誠

巍巍睿業廣赫赫聖基隆菲德承先顧禎符萃眇躬銘
開武巖側圖薦洛川中微誠詎幽感景命忽昭融有懷
慙紫極無以謝玄穹

朝壇霧卷曙嶺煙沈爰設筐一作能幣式表誠心筵輝麗壁

樂暢和音仰惟靈鑒俯察翹襟

昭昭上帝穆穆下臨禮崇備物樂奏鏘金蘭羞委薦桂
醑盈斟敢希靈德聿罄莊心

樽浮九醞禮備三周陳誠菲奠契福神猷

奠璧郊壇昭大禮鏘金拊石表虔誠始奏承雲娛帝賞

復歌調露暢韶英

荷恩承顧託執契恭臨撫廟畧靜邊荒天兵耀神武有
截資先化無爲遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰撤其俎載
遷其實或升或降唯誠唯質

禮終肆類樂闋九成仰惟明德敢薦非馨顧慙菲奠久
駐雲輶瞻荷靈澤悚戀兼盈

式乾路闢天扉迴日馭動雲衣登金闕入紫微望仙駕
仰恩徽

中宗祀昊天樂章

唐書樂志曰景龍三年親祀昊天上帝降
神用謦和皇帝行用太和登歌用肅和迎

俎用雍和酌獻用福和送文武出
迎武舞入用舒和武舞作用凱安

豫和

天之厯數歸唐顧惟菲德欽昊蒼撰吉日兮表殷薦
冀神鑒兮降闔陽

太和

恭臨寶位肅奉瑤圖恆思解網每軫泣辜德慚巢燧化
劣唐虞期我良弼式贊嘉謨

告謝

得一流玄澤通三御紫宸遠叶千齡運遐鎬九域塵絕
瑞駢闐集殊祥絡繹臻登年慶棲畝稔歲賀盈囷

肅和

悠哉廣覆大矣曲成九玄著象七曜貞一作明珪璧是奠

醕酌斯盈作樂崇德爰暢咸英

雍和

郊壇展敬嚴配因心孤竹簫管空桑瑟琴肅穆大禮鏗
鏘八音恭惟上帝希降靈歆

福和

九成爰奏三獻式陳欽承景福恭託明禋

中宮助祭升壇

坤元光至德柔訓闡皇風芡苡芳聲遠螽斯美化隆睿
範超千載嘉猷備六宮肅恭陪盛典欽若薦禋宗

亞獻

三靈降饗三后配神虔敷藻奠敬展郊禋

舒和

已陳粢盛敷嚴祀更奏笙鏞協雅聲璇圖寶曆欣甯謐
晏俗淳風樂太平

凱安

堂堂聖祖興赫赫昌基泰戎車盟津偃玉帛塗山會舜
日啟祥暉堯雲卷征旆風猷被有截聲教覃無外

明皇祀圜丘樂章

唐書樂志曰開元十一年祀昊天於圜丘降神用豫和六變辭同皇帝行用太和登歌奠

王帛用肅和迎用雍和皇帝酌獻天神酌獻配座飲福酒並用壽和送文舞出迎武舞入用舒和武舞用凱安禮畢送神用豫和皇帝還大

次用太和

豫和

至矣丕構烝哉太平授犧膺錄復禹繼明草木仁化鳥

鷺頌聲祀宗陳德無媿斯誠

太和

郊壇齋帝禮樂祀天丹青寰宇宮徵山川神祇畢降行
止重旋融融穆穆納祉洪延

肅和

止奏潛聆登儀宿嘯太玉躬奉參鍾首奠簋簋聿昇犧
牲遵薦昭事顯若存存以覩

雍和

爛雲普洽律風無外千品其凝九賓斯會禋尊晉燭純
犧滌汰玄覆攸廣鴻休汪濊

壽和

六變爰闋八階載虔祐我皇祚於萬斯年

壽和

於赫聖祖龍飛晉陽底定萬國奄有四方功格上下道
冠農黃郊天配享德合無疆

壽和

崇崇泰峙肅肅嚴禋粢盛既潔金石畢陳上帝來享介
福爰臻受釐合祉寶祚維新

舒和

祝史正辭人神叶慶福以德招享以誠應六變云備百
禮斯浹祀事孔明祚流萬葉

凱安

行 卷之三 第三冊 雙山書屋
馨香惟后德明命光天保肅和崇聖靈陳信表皇道玉

鉞初蹈厲金匏既靜好

一本此下有介福何穰
穰精誠格穹昊二句

豫和

大號成命思文配天神光胙蠻龍駕言旋眇眇聞闔昭
昭上玄俾昌而大於斯萬年

太和

六成既闋三薦云終神心具醉聖敬愈崇受釐皇邸回
蹕帷宮穰穰之福永永無窮

封泰山樂章

唐書樂志曰開元十三年明皇封泰山祀天樂降神
用豫和六變迎送皇帝用太和登歌奠玉帛用肅和

迎俎用雍和酌獻飲福並用壽和送文武出迎武舞入用
舒和終獻亞獻用凱安送神用豫和中書令張說製辭

豫和

款泰壇柴泰清受天命報天成竦皇心薦樂聲志上達
歌下迎

億上帝臨下庭騎日月陪列星嘉祝信大禧馨澹神心
醉皇靈

相百辟貢八荒九歌敘萬舞翔肅振振鏗皇皇帝欣欣
福穰穰

高在上道光明物資始德難名承眷命牧蒼生寰宇謐
太階平

天道無親至誠與鄰山川遍禮宮徵維新玉帛非盛聰
明會真正斯一德通乎百神

饗帝饗親維孝維聖緝熙懿德敷揚成命華夷志同笙

鋪禮盛明靈降止感此誠敬

太和

孝敬中發和容外彰騰華照寓如昇太陽貞璧就奠玄
靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧布
我玄製華日裴回神煙容裔

雍和

俎豆有馥粢盛潔豐亦有和羹既戒既平鐘鼓管磬肅
唱和鳴皇皇后祖來一作賚我思成

壽和

烝烝我后享獻惟寅躬酌鬱鬯跪奠明神孝莫孝乎配
上帝親敬莫敬乎教天下臣

壽和

皇祖嚴配配享皇天皇皇降嘏天子萬年

舒和

六鐘翕協六變成八佾倘佯八風生樂九歆今人神感
美七德兮天地清

凱安

烈祖順三靈文宗威四海黃鉞誅羣盜朱旗掃多罪戢
兵天下安約法人心改太哉干羽意長見風雲在

豫和